

· 戏曲本 ·

拜月亭

施惠著

吉林文史出版社

1313268/02

目 录

第 一 出	开场始末·····	(1)
第 二 出	兄妹筹咨·····	(2)
第 三 出	虎狼扰乱·····	(4)
第 四 出	罔害蟠良·····	(6)
第 五 出	亡命全忠·····	(11)
第 六 出	图形追捕·····	(13)
第 七 出	文武同盟·····	(16)
第 八 出	少不知愁·····	(23)
第 九 出	绿林寄迹·····	(25)
第 十 出	奉使临番·····	(30)
第 十 一 出	士女随迁·····	(36)
第 十 二 出	出寨巡罗·····	(37)
第 十 三 出	相泣路岐·····	(39)
第 十 四 出	风雨间关·····	(42)
第 十 五 出	番落回军·····	(44)

第十六出	违离兵火	(48)
第十七出	旷野奇逢	(50)
第十八出	彼此亲依	(54)
第十九出	偷儿挡路	(57)
第二十出	虎头遇旧	(59)
第二十一出	子母途穷	(62)
第二十二出	招商谐偶	(65)
第二十三出	和寇还朝	(78)
第二十四出	会赦更新	(79)
第二十五出	抱恙离鸾	(80)
第二十六出	皇华悲遇	(88)
第二十七出	逆旅萧条	(94)
第二十八出	兄弟弹冠	(95)
第二十九出	太平家宴	(98)
第三十出	对景含愁	(100)
第三十一出	英雄应辟	(103)
第三十二出	幽闺拜月	(106)
第三十三出	照例开科	(113)
第三十四出	姊妹论思	(113)
第三十五出	诏赘仙郎	(116)
第三十六出	推就红丝	(120)
第三十七出	官媒回话	(123)
第三十八出	请谐伉俪	(125)
第三十九出	天凑姻缘	(127)
第四十出	洛珠双合	(131)

第一出 开场始末

【西江月】〔副末上〕轻薄人情似纸，迁移世事如棋。今来古往不胜悲，何用虚名虚利？遇景且须行乐，当场漫共衔杯。莫教花落子规啼，懊恨春光去矣！

【沁园春】蒋氏世隆，中都贡士，妹子瑞莲。遇兴福逃生，结为兄弟。瑞兰王女，失母为随迁。荒村寻妹，频呼小字，音韵相同事偶然。应声处，佳人才子，旅馆就良缘。岳翁瞥见生嗔怒，拆散鸳鸯最可怜。叹幽闺寂寞，亭前拜月；几多心事，分付与婵娟。兄中文科，弟登武举，恩赐尚书赘状元。当此际，夫妻重会，百岁永团圆。

老尚书缉探虎狼军。 穷秀才拆散凤鸾群。

文武举双第黄金榜。 幽闺怨佳人拜月亭。

第二出 兄妹筹咨

【珍珠帘】〔生扮蒋世隆上〕十年映雪囊萤，苦学干禄，幸首获州庠乡举。继晷与焚膏，只勤习诗书，咳唾珠玑才灿锦，养浩然春闱必取。一跃过龙门，当此青云得路。

中都风物景全佳，街市骈阗斗丽华；烟锁楼台浮锦色，月笼花影映林斜。礼乐流芳忝儒裔，双亲不幸俱倾逝。止存一妹在闺中，真乃家传多富贵。自家姓蒋，双名世隆，中都路人氏。虽叨乡荐，未赴春闱。只因服制在身，难以进取。家中别无亲人，止有一妹，叫名瑞莲。年已及笄，未曾许聘。〔鹧鸪天〕正是：锦绣胸襟气若虹，文章才学足三冬，循循善道驰庠校，济济儒风蔼郡中。题雁塔，步蟾宫，前程万里附溟鸿。此时衣锦还乡客，五百名中让世隆。道犹未了，妹子早到。

【猴山月】〔小旦扮瑞莲上〕乐道安贫巨儒，嗟怨是何如？但孜孜有志效鸿鹄，似藏珍韞椟，韬光隐锐，待价沽诸。

哥哥万福。〔生〕妹子到来，妹子请坐。〔小旦〕哥哥请。哥哥，妹子往常间见哥哥眉开眼笑，今日见哥哥眉头不展，面带忧容，却为些甚么来？〔生〕妹子，你不知道，我有三件事在心，所以不乐。〔小旦〕那三件事？〔生〕第一件，父母灵柩在堂，未曾殡葬；第二件，我服制在身，难以进取；第三件，你我年纪长大，亲事未谐。以此不乐。〔小

旦][玉楼春]瑞莲愚不将贤谏,安居温习何嗟叹?退藏山水作渔樵,进身皇阙为官宦。[生]妹子,迅速光阴如转眼,少年何事功名赚?苍天未必误儒冠,儒冠多误男儿汉。[小旦]哥哥你平日攻书多少?谅必自知上达之意。

【玉芙蓉】[生]胸中书,富五车;笔下句,高千古。镇朝经暮史,寐夜兴夙。拟蟾宫折桂云梯步。待求官奈何服制拘?教人怨,怨不沾寸禄。[合]望当今圣明天子诏贤书。

【前腔】[小旦]功名事,本在天;何必恁,心过虑?且从他得失,任取荣枯。为人只恐身无艺,暂时间未从心所欲。金埋土,也须会离土。[合]望当今圣明天子诏贤书。

【刷子序】[生]书斋数椽,良田尽可,随分餽粥。世态纷纷,争如静守闲居。[小旦]勤劬,事业学成文武,掌王朝方展诤谏。[合]但有个抱艺怀才,那曾见沧海遗珠?

【前腔】[生]难服,晚进儿童,夺朱污紫,肥马轻裘。磊落男儿,惭睹蠢尔之徒。[小旦]听语,万事皆由天命,尽皆非者也之乎。[合]但有个抱艺怀才,那曾见沧海遗珠?

[生]琢磨成器待春闱, [小旦]万里前程唾手期。

[合]一举首登龙虎榜, 十年身到凤凰池。

第三出 虎狼扰乱

【点绛唇】〔净扮番将上〕势压中华，仁将夷化；威风大。一曲琵琶，醉后驱鹰马。

你看边塞上好光景：只见万里寒沙，一天秋草。马嘶平野呼鹰地，犬吠低坡射雁人。草丛中无非是赤兔黄獐，天际表有些儿皂雕白鹞。夜夜月为青冢镜，年年雪作黑山花。俺这里吃的是马酪羊羔，说甚么龙肝凤髓；穿的是狐裘貂帽，要甚么锦衣绣裳？比着他诸夏无君，争似俺蛮夷有主。汉家虽盛，曾与和亲；唐国称隆，结为兄弟。国号附金，而威风凛凛；中华臣宋，而气宇巍巍。远观着几层瑞彩罩金城，遥望见一派祥云笼铁柱。自家北番一个虎狼军将是也。只因大金天子，俺这里三年一小进，五年一大进，十年一总进。今经一十五年，并无一丝儿回答。俺主大怒，着俺起兵前去，打夺州城，占据粮草。不免叫把都儿每出来，与他商议。把都儿那里？

【水底鱼】〔小生、外、丑、末上〕白草黄沙，毡房为住家。胡儿胡女，惯能骑战马。因贪财宝到中华，闲戏耍；被他拿住，铁里温都哈喇。主帅呼唤，上前参见。〔净〕把都儿每！只因大金天子，俺这里三年一小进，五年一大进，十年一总进。今经一十五年，并无一丝儿回答。主上大怒，着俺起兵前去，打夺州城，占据粮草。众把都儿每听吾号

令，不可有违。

【豹子令】点起番家百万兵，百万兵；纷纷快马似腾云，似腾云。叵耐大金无道理，与他交战定输赢。〔合〕安排器械便登程，杀教片甲不留存。

【金字经】喏都儿哪应咖哩，者么打么撒嘛呢，咪嘛打么呢，咭罗也赤吉哩，撒么呢撒哩，吉么赤南无应咖哩。

头戴金盔挽玉鞭， 驱兵领将几千员。

金朝那解番狼将， 血溅东南半壁天。

第四出 罔害蟠良

〔小生、丑扮金瓜武士上〕蓬莱正殿起金鳌，红日初生碧海涛。开着午门遥北望，赭黄新帕御床高。

【点绛唇】〔末扮黄门上〕渐辟东方，星残月淡，启明犹显。平闪清光，点滴檐铃响。万烛当天紫雾消，百花深处漏声遥。官门半辟天风起，吹落炉香满绣袍。自家金朝一个小黄门是也。主司仪典，出纳纶音。身穿兽锦袍，与宾客言；口含鸡舌香，传天子令。如今早朝时分，官里升殿，怕有奏事官到来，不免在此伺候。怎见得早朝？但见：银河耿耿，玉露瀼瀼。似有似无，一天香雾；半明半灭，几点残星。铜壶水冷，数声莲漏出花迟；宝鸭香消，三唱金鸡明曙早。人过御沟桥，灯影里衣冠济楚；马嘶官巷柳，月明中环佩铿锵。钟声响，大殿门开；五音合，内官乐奏。只见那奉天殿、武英殿、披香殿、太乙殿、谨身殿，巍巍峨峨，日色乍临仙掌动；奉天门、承天门、大明门、朝阳门、乾明门，隐隐约约，香烟欲傍袞龙浮。其时有御用监官、尚膳监官、尚衣监官，各司其事，备其所用，鸿胪寺官、光禄寺官、太常寺官，各守乃职，听其所需。周旋中规，折旋中矩，降者降而升者升；过色勃，执圭鞠躬，跪者跪而拜者拜。文官有稷、契、伊、傅之才，武将有关、张、赵、马之勇。正是日月光天德，山河壮帝居。太平无以报，愿上万言

书。道犹未了，奏事官早到。

【出队子】〔净扮聂贾列上〕番兵突至，番兵突至，御敌无人
为出师，教人日夜苦忧思。事到临危不可迟，奏议迁都，
伏乞圣旨。〔末〕来者何官？〔净〕臣聂贾列奏闻陛下。
〔末〕所奏何事？〔净〕奏为保国安民事。诚惶诚恐，稽首
顿首，冒奏天颜，恕臣万死万死。臣闻番兵犯界，突入榆
关，离俺中国只有百二十里之地。况彼人强马壮，本国将
寡兵疲，难以当敌。不若迁都汴梁，上保社稷无危，下免
生民涂炭。〔末〕官里道来：汴梁有何好处，可以迁都？
〔净〕夫汴梁者，东有秦关，西有两隘，南有函谷，北有巨
海，地雄土厚，可以迁都。所谓“王公设险以守其国”。愿
我王准臣所奏，不必迟回。〔末〕官里道来：可退在午门
外，与众官商议，即便迁都汴梁，免致两国相争，实为便
益。〔净〕万岁，万岁，万万岁！〔退科〕

【点绛唇】〔外扮陀满海牙上〕长乐钟鸣，未央宫启，千官
至。顿首丹墀，遥拜着红云里。〔末〕来者何官？〔外〕臣
陀满海牙，累世忠良，官居左丞之职，有事不容不谏。
〔末〕所谏何事？〔外〕臣闻番兵犯界，军马已到榆关，相去
百二十里之地。所谓“剥床以肤，切近灾”者也。本合命
将出师，今被奸臣窃柄，奏令迁都。不惟天子蒙尘，抑且
生民涂炭。于此不谏，不为忠也。诚惶诚恐，稽首顿首。
君乃臣之元首，臣乃君之股肱。君有诤臣，父有诤子。王
事多艰，民不堪命。若钳口不言，是坐视其危也。即今番
兵犯界，何不遣将出师，却乃迁都远避？〔末〕官里道来：
如今朝中缺少良将，着何人为帅，统领三军，与他对敌？

〔外〕臣闻“内举不避亲”。臣举一人，即臣之子，陀满兴福。此子六韬三略皆能，有万夫不当之勇。手下见有三千忠孝军，人人敢勇，个个当先。可退番兵。〔净〕臣聂贾列奏闻陛下，陀满海牙已有无君之心，又令其子出军，如虎加翼，为祸不浅，我王不可准奏。〔外〕咄！聂贾列，你何故妄奏迁都？〔净〕咄！陀满海牙，你何故阻驾？〔外怒奏科〕

【新水令】〔外〕九重天听望垂慈，九重天听望垂慈，主君贤谏臣须直。事当言敢自欺？既为官要尽臣职。〔净〕如今圣驾迁都，有何不可？〔外〕你若是要迁移，把社稷一时弃。

〔末〕官里道来：二人所奏不同，还退在午门外，与众官商议。〔外、净〕万岁，万岁，万万岁！〔退科〕〔外〕聂贾列，你怎见得就该迁都？

【步步娇】〔净〕蠢尔番兵须臾至，力寡难当御，朝臣众议之。你不见昔日呵，太王居邠，狄人侵地。事之以皮币不得免，事之以犬马不得免，事之以珠玉不得免。他也无计可施为，只得迁都去。

【折桂令】〔外〕古人言自有权舆，能者迁之，否则存之。〔净〕说得好，说得好，你说圣上不如太王。〔外〕怎忍见夫挈其妻，兄携其弟，母抱其儿；城市中喧喧攘攘，村野间哭哭啼啼！可惜车驾奔驰，生民涂炭，宗庙丘墟。

【江儿水】〔净〕臣道当卑顺，秋毫敢犯之？你道能如太王则迁之，不能谨守常法。这是不能尧舜欺君罪。那百姓每呵，见说仁君迁都避，纷纷从者如归市。你道效死而

民勿去，这等拘守之言，怎及得迁国图存之计？

【雁儿落】〔外〕俺穿一领裹乾坤缝掖衣，要干着儒家事；读几行正纲常贤圣书，要识着君臣义。俺则是一心儿清白本无私。〔净〕你触犯了圣上，就该万死。〔外〕言如达，死何辞！〔净〕常言道：“闭口深藏舌，安身处处牢。”〔外〕怎做得簪无气？〔净〕你许多年纪了，还要管这等闲事怎么？〔外〕怎做得老无为？今日任你就打落张巡齿，痴也么痴，常自把严颜头手内提。

【侥侥令】〔净〕半空横剑戟，四面列旌旗，战鼓如雷轰天地。你却唱太平歌，念孔圣书。

【收江南】〔外〕呀，恰便是驕驄立仗，噤住口不容嘶。将焉用彼过谁欤？那知越瘦与秦肥？你这般所为，你般所为，恨不得啖伊血肉寝伊皮！

【园林好】〔净〕朝廷上尊严去处，岂容你谈论是非？全不识君臣之体。凭河死，悔时迟。凭河死，悔时迟。〔外将笏击净，净怒科〕

【沽美酒】〔外〕你为人何太谀？你为人何太谀？腹中剑，口中蜜，长脚俭人蓝面鬼。百般样，肆奸回；肆奸回，把圣聪蒙蔽。俺学的是段秀实以笏击贼。你那臭名儿海波难洗。我好名儿史策留题。我呵，这件事你知我知，天知地知。呀，便死做鬼魂灵，一心无愧。

〔净〕聂贾列奏闻陛下，陀满海牙故意阻驾，陀满兴福造意出军，父子将谋为不轨。〔末〕官里道来：陀满海牙父子既有反叛之心，着金瓜武士打死。〔外〕圣上，谗言不可听信。〔小生、丑扯外下〕〔末〕官里道来：陀满海牙三百家

口，不分良贱，尽行诛戮，韶黜不留。就差聂贾列前去监斩，不得有违。〔净〕奉圣旨。

〔末〕早朝奏罢离金阶。 〔净〕戈戟森森列将台。

〔合〕会施天上无穷计， 难免今朝目下灾。

第五出 亡命全忠

【红纳袄】〔小生扮陀满兴福上〕将门庭，非小轻。掌貔貅，百万兵。威权勇猛千般计，势显英雄一派征。官宦族，名誉称。声闻彻帝京。好笑番魔也，怎当俺三千忠孝军。胆略曾经百战场，势如猛虎走群羊。胸中豪气冲天日，训练三军悉智强。自家陀满兴福。爹爹海牙丞相，今早入朝未回。目下番奴侵乱，不免把军士每训练一番，多少是好！军吏那里？〔丑上〕朝中天子宣，阍外将军令。复将军，有何钧旨？〔小生〕取军册上来。〔丑取册，小生看科〕〔末上〕有事不敢不报，无事不敢乱传。将军，不好了！〔小生〕怎么说？〔末〕即今番兵犯界，聂贾列奏令迁都，圣意欲从，老相公极言苦谏，那聂贾列辄生恶意，妄奏圣上，说老相公故意阻驾，谋为不轨。圣上听信谗言，将老相公金瓜打死了。〔小生哭科〕〔末〕还有一件。〔小生〕又怎么？〔末〕圣上就差聂贾列为监斩官，把将军三百家口，不分良贱，尽行诛戮。如今聂贾列那厮带领人马将到了也。〔小生〕这苦怎生是了？〔末〕将军不妨。将军手下见有三千忠孝军，人人敢勇，个个当先。待那奸臣来时，把他一刀杀了，上报老相公屈死之仇，下免三百口屠戮之苦，有何难处？〔小生〕我若杀了那厮，怎全得我老相公的忠义？无计可奈，只得逃难他方，再作计处。

双手擘开生死路， 一身跳出是非门。

。

第六出 图形追捕

【赵皮鞋】〔丑上〕我是个巡警官，日夜差科千万端。俸钱些少几曾关。怎得三年官债满？【西江月】当职身充巡检，上司差遣常忙，捕贼违限最堪伤，罚俸别无指望。日里迎来送往，夜间巡警关防。虽然鹅酒得些嚏，事发纳赃吃棒。今有当朝陀满丞相阻当銮驾，朝廷大怒，将他满门良贱，尽皆诛戮，只走了陀满兴福一人。奉上司明文，遍张文榜，画影图形。十家为甲，排门粉壁，各处挨捕。但有拿得着者，有官有赏。窝藏者，与本犯同罪。不免叫左右的出来分付。左右那里？〔末上〕讼简公衙静，民安士庶称。明如秋夜月，清似玉壶冰。复老爹，有何分付？〔丑〕我且问你，这个地方谁管？〔末〕这是中都路坊正管的。〔丑〕这等与我叫中都路坊正来。〔末〕领钧旨。中都路坊正走动。

【大齐郎】〔净上〕狂秀才，命儿乖，身充坊正是官差。三隅两巷民户灾，要无违碍，好生只把月钱来。身充坊正霸乡都，财物鸡鹅那得无？物取小民穷骨髓，钱剥百姓苦皮肤。当权若不行方便，后代儿孙作马驴。罚愿满门都听素，年头年尾只吃麸。〔末〕你倒佛口蛇心。〔净〕你是甚么人？〔末〕我是公使人。〔净〕公使人，干热乱；得文引，去勾唤。穷三千，富五贯。得了钱，解一半。这等之人，